

## გიორგი ჭიღვარია - ქუთაისის მერად!

ჩვენი მთავარი მიზანია, ქუთაისი გახდეს „მომავლის ქალაქი“, სადაც ყველა ქუთაისელი ადგილზე შეძლებს საკუთარი თავის რეალიზებას

მე-3 გვერდზე



# კანდიდატების სახეისი კავიტალი



არჩევნებზე პარტიების მიერ წარმოდგენილი კანდიდატების კვალიფიკაცია და ბიზნეს-ინტერესები ყოველთვის მაღალი ინტერესის საგანს წარმოადგენს. „საერთაშორისო გამჭვირვალობა საქართველომ“ იმერეთის რეგიონის მუნიციპალიტეტების მერობის კანდიდატებისა და პირველი ნომრების კვალიფიკაციები და ბიზნეს-ინტერესები შეისწავლა. შესწავლა ძირითადად საჯარო რეესტრიდან გამოთხოვილი ინფორმაციით და კანდიდატების მიერ შევსებული დეკლარაციებით მოხდა.

არჩევნებში მონაწილე წამყვანი 5 პარტიდან მერობის კანდიდატი იმერეთის ყველა მუნიციპალიტეტში ჰყავს „ქართული ოცნება - დემოკრატიული საქართველო“ და საარჩევნო ბლოკ „ერთიან ნაციონალურ მოძრაობას“. საარჩევნო ბლოკ „ბაქრაძე, უგულავა - ევროპული საქართველო“ მერობის კანდიდატი არ ჰყავს ბაღდათის მუნიციპალიტეტში, ხოლო საარჩევნო ბლოკ „ლიბერტი ლორთქიფანიძე, კახა კუკავა — დემოკრატიული მოძრაობა - თავისუფალ საქართველო“ მერობის კანდიდატები ჰყავს ქუთაისში, ხარაგაულში, ზესტაფონსა და წყალტუბოში. რაც შეეხება „დავით თარხან-მოურავი, ირმა ინაშვილი - საქართველოს პატრიოტთა ალიანსს“, მერობის კანდიდატები არ წარუდგენიათ საჩხერეში, ბაღდათსა და ხონში. იმერეთის მუნიციპალიტეტებში მერობის 73 კანდიდატს შორის მხოლოდ ხუთია ქალი. საკრებულოს არჩევნებისათვის წარდგენილი პარტიული სიების პირველ ნომრებს შორის 20 ქალია, აქედან ორი ქალი კანდიდატი მმართველმა პარტიამ წამოაყენა. ყველაზე მეტი ქალი პარტიული სიის პირველ ნომრად (9 კანდიდატი) პარტიამ „თავისუფლება - ზვიად გამსახურდიას გზა“ დაასახელა.

კვლევის მიხედვით, 11 კანდიდატი გამოიკვეთა, რომელმაც პარტიისთვის შემოწირულობა გაიღო.

„შესწავლილი კანდიდატები, ძირითადად, საკუთარ პარტიებს ურიცხვად შემოწირულობებს. კახაბერ მახათაძემ - „ქართული ოცნება დემოკრატიული საქართველოს“ ზესტაფონის მუნიციპალიტეტის მერობის კანდიდატმა 2016-2017 წლებში, კანდიდატებს შორის, ყველაზე მეტი თანხა გაიღო პარტიისთვის, კერძოდ, მან „ქართულ ოცნებას“ ჯამში 90 000 ლარი გადაუხდინა. 89 234 ლარი შესწირა საკუთარ პარტიას საარჩევნო ბლოკ „დავით თარხან-მოურავი, ირმა ინაშვილი - საქართველოს პატრიოტთა ალიანსის“ თერჯოლის მუნიციპალიტეტის მერობის კანდიდატმა და პარტიული სიის პირველმა ნომრმა ზვიად წყებლაძემ.“ - განაცხადა ლელა მოწონელიძემ, „საერთაშორისო გამჭვირვალობა საქართველოს“ კოორდინატორმა იმერეთში.

„ქართული ოცნების“ 12 კანდიდატიდან 6 მერობის კანდიდატი არის ბიზნეს-კომპანიების მეწილე ან/და ხელმძღვანელი.

ქუთაისი - გიორგი ჭიღვარია: გიორგი ჭიღვარიას მიერ 2017 წლის მარტში შევსებული დეკლარაციის თანახმად, ის და მისი ოჯახის წევრები ფლობენ სამ სახლს ქუთაისში, თბილისსა და ამბროლაურის მუნიციპალიტეტის სოფელ ჭრებულოში, ასევე მიწის ნაკვეთს ქუთაისში (1995 წელს გიორგი ჭიღვარიას მამამ საცხოვრებელ სახლში 10 000 აშშ დოლარი, გიორგი ჭიღვარიამ 2007 წელს მიწის ნაკვეთში 5600 ლარი, მეუღლემ, თამა ფოფხაძემ, კი 2013 წელს თბილისში ბინის შესაძენად 39000 აშშ დოლარი გადაიხადა). გიორგი ჭიღვარია ასევე არის შპს „კოლეგოს“ (ს/კ - 204562179) მე-

წილე, თუმცა მას აღნიშნული ინფორმაცია არ აქვს დეკლარირებული. თუმცა, ჭიღვარია აღნიშნავს, რომ შპს-ს არ უმუშავის.

ზესტაფონი კახაბერ მახათაძე: - 1988-1998 წლებში მუშაობდა თბილისის შამპანურის ქარხანაში ინჟინერ-ტექნოლოგად; 1998-1999 წლებში იყო ხაშურის ძეგველი-სა და ნაყინის ქარხნის დირექტორი; 1999-2003 წლებში ეკავა საქართველოს საპატრიარქოს „ხაშმის“ ღვინისქარხნის დირექტორის თანამდებობა; 2003-2011 წლებში იყო საპატრიარქოს აგროსამრეწველო დეპარტამენტის ხელმძღვანელი; 2009-2010 წლებში იყო საპატრიარქოს წარმომადგენელი, სამთავრობო კომისიის წევრი; 2011 წლიდან კვლავ საქართველოს საპატრიარქოს „ხაშმის“ ღვინის ქარხნის დირექტორია.

კახაბერ მახათაძე შპს „კავ - ჯგუფისა“, შპს „ჯეოლოტო და შპს „გრუნტსპირტრომი“ 100% წილის მფლობელია, ასევე 65% წილისმესაკუთრეა შპს „იმერეთი 2011- ში“ და შპს „GVMT Group-ში“ 50% წილს ფლობს, ხოლო შპს „იმერეთი 777“-ში 34% წილის მესაკუთრეა. მან მიმდინარე წლის სექტემბერში სხვა პირებს გადააბარა როგორც ხელმძღვანელი პოზიციები, ასევე წილების მართვა.

შპს „იმერეთი 2011“-მა 2015 წელს გამარტივებული შესყიდვით 3 ხელშეკრულება დადო, რომელთა საერთო ღირებულებამ 1355 ლარი შეადგინა.

მახათაძემ „ქართული ოცნება - დემოკრატიული საქართველოს“ 2016 წელს 50 000 ლარი, ხოლო 2017 წლის 1 აგვისტოს - 40 000 ლარი შესწირა.

თერჯოლა - ბონდო სოფრომაძე, არის შპს „ახალი ღონის“ 100% წილის მესაკუთრე, რომელსაც ხელმძღვანელობს მისი შვილი გიორგი სოფრომაძე.

ბაღდათი - არჩილ გოგსაძე - ააიპ თელავის მუნიციპალიტეტის „ღვინის პარკის“ დირექტორის თანამდებობას იკავებს; ამასთან, არჩილ გოგსაძე შპს „აგუნას“ დირექტორი და 50%-იანი

წილის მფლობელია, ასევე შპს „გრანდის“ 50% წილის და შპს „არქიტექსის“ 50%-იანი წილის მესაკუთრეა, თუმცა შპს „არქიტექსის“ წილი დეკლარაციაში მითითებული არ აქვს

ხონი - ლადო ჯურხაძე - იგი რამდენიმე შპს-ის დირექტორი და მეწილეა, კერძოდ: შპს „გლობალ ენერჯი სოლუშენს“ - დირექტორი და 100% წილის მფლობელი; შპს „ბატონო ტრეველიძე“ - დირექტორი და 100% წილის მფლობელი; შპს „მახაუტო“ - დირექტორი და 100% წილის მფლობელი.

სამტრედია ვალერიანე ფოცხვერია - შპს „ელიტა 5 +“ 20% წილის მესაკუთრეა.

„ევროპული საქართველო“ მერობის ერთი (კობა მოდებაძე - საჩხერე) და „პატრიოტთა ალიანსის“ სამი კანდიდატი არის ბიზნესკომპანიების მეწილე ან/და ხელმძღვანელი (გრიგოლ ბახტაძე - ქუთაისი; ზვიად წყებლაძე - თერჯოლა; პაატა კიკნაძე - ხარაგაული).

„ხოლო რაც შეეხება პარტიული სიების პირველ ნომრებს, წარდგენილი კანდიდატებიდან „ქართული ოცნების“ 2 კანდიდატი (ნიკოლოზ ლატარია - ქუთაისი, მანანა ბარბაქაძე - ხარაგაული), ხოლო „ნაციონალური მოძრაობის“ 3 კანდიდატი (ბესიკ ბრეგაძე - ქუთაისი; პაატა ლეყავა - ვანი; მამაუკა სალარეიშვილი - წყალტუბო) არის ბიზნესკომპანიების მეწილე ან/და ხელმძღვანელი.“ - აცხადებს ლელა მოწონელიძე.

მანანა ბარბაქაძე




სტატია ქვეყნდება პროექტის „გაცნობიერებული არჩევანი - დემოკრატიის ფუნდამენტი“ ფარგლებში.

ავტორის/ავტორების მიერ საინფორმაციო მასალაში გამოთქმული მოსახრება შესაძლოა არ გამოხატავდეს ფონდის „ლიბერალური საქართველოს“ პოზიციას. შესაბამისად, ფონდი არ არის პასუხისმგებელი მასალის შინაარსზე.

PS news.ge

ISSN 1987-7056



9 771987 705004

# სამტრედიის არჩევნების მოლოდინში

სამტრედიის მუნიციპალიტეტში მმართველი პარტიდან კენჭს მოქმედი გამგებელი ვალერიანე ფოცხვერია იყრის, მას კონკურენტს „ევროპული საქართველო“ კანდიდატი ავთანდილ სტურუა უწევს, „ნაციონალური მოძრაობიდან“ - მამუკა ბიბილეიშვილი, „ლეიბორისტებიდან“ - გიორგი ჯიმშელიშვილი, „პატრიოტთა ალიანსიდან“ - კამო კანდელაკი, „შენების მოძრაობიდან“ კი - იმედა გოგავა.



ოპოზიციური პარტიის კანდიდატები საარჩევნო გარემოს არაერთგვაროვნად აფასებენ. ზოგი ამბობს, რომ ხელისუფლება ყველა ადმინისტრაციულ რესურსს იყენებს, ზოგიც ფიქრობს, რომ არჩევნები მშვიდ ვითარებაში მიმდინარეობს.

უკიდურესად დაძაბულ სიტუაციაზე საუბრობენ ძველი თანაგუნდელები „ევროპული საქართველოდან“ - ავთანდილ სტურუა და „ნაციონალური მოძრაობის“ კანდიდატი მამუკა ბიბილეიშვილი.

**ავთანდილ სტურუა:** „განსაკუთრებული ზეწოლა მიმდინარეობს სკოლამდელი დაწესებულების წარმომადგენლებსა და რკინიგზელებზე, მათ ყველა გზით აიძულებენ, რომ შემოხაზონ 41, მოიტანონ მხარდამჭერთა სიები, ერთ-ერთი პარტიის კანდიდატი ზეწოლით აიძულეს და მოახსენიეს კანდიდატურა“.

მხარდამჭერებისა და კოორდინატორების ზეწოლაზე საუბრობს **მამუკა ბიბილეიშვილი:** „ჩვენს ერთ-ერთ კოორ-

დინატორს დახვდნენ და გამოკითხვა დაუწყეს. ჰკითხეს: შენი შვილი ხომ მედალოსანიაო? ეს არის პირდაპირი დაშინება და გაფრთხილება, რომ ჩვენს სასარგებლოდ არ იმუშონ. ასევე ერთ-ერთი კოორდინატორის სახლში დილის ექვს საათზე ჩაატარეს ჩხრეკა, ფსიქოლოგიური ტრავმა მიაყენეს მის მცირეწლოვან ბავშვებს.

ზეწოლა არის საოლქო საარჩევნო კომისიიდანაც. ჩვენ ვაპყარავეთ საუბრო საარჩევნო კომისიაში დარღვევებს,

მაგრამ სასამართლო, კომისიისთვის ხელისშემშლის მოტივით, იმ ადამიანებს აჯარიმებს.“

„შენების მოძრაობის“ კანდიდატი **იმედა გოგავა** ამბობს, რომ ერთი შეხედვით

მშვიდი გარემოს უკან ძალიან დაძაბული სიტუაციაა.

„ხელისუფლება უხედალ იყენებს ყველა ადმინისტრაციულ რესურსს, ისინი აშინებენ ყველა ა(ა)იპ-ის თანამშრომელ-

სა და საჯარო მოხელეს. ამათმა ერთი-ერთზე გადმოიღეს ნაციონალურის ყველა მეთოდი, მაგალითად, რამდენიმე დღის წინ ბალების თანამშრომლებთან მოეწყო შეხვედრა და იმის გამო, რომ არავინ წასულიყო, კარი გადაკეტეს, „ოცნება“ ვერ ელევა პომპეზურობის განცდას. ასეთი ფაქტიც იყო — ყველა საჯარო მოხელემ დაწერა განცხადება გათავისუფლების თაობაზე იმ დღეს, როცა მერობის კანდიდატებთან იყო შეხვედრა.“

საარჩევნო გარემოს სამტრედიაში დადებითად აფასებს „ლეიბორისტული პარტიის“ წარმომადგენელი **გიორგი ჯიმშელიშვილი.**

„ვერ ვიტყვი, რომ აქ რაიმე კატასტროფა ხდება, მშვიდი გარემოა, ცენტრალური ხელისუფლებიდან არ გვაქვს ხელშეწყობა, სესხიც კი არ მოგვცეს. არ გვაქვს სატელევიზო დრო ცენტრალურ ტელეარხებზე.“

„პატრიოტთა ალიანსის“ კანდიდატი **კამო კანდელაკი** კი საარჩევნო გარემოზე ამბობს, რომ სამართლიანი გარემოა. „ჯერჯერობით, ასეა, ვნახოთ, მერე რა იქნება“.

**ბაბა ჩინჯიშვილი**



სტატია ქვეყნდება პროექტის „გაცნობიერებული არჩევანი - დემოკრატიის ფუნდამენტი“ ფარგლებში.

ავტორის/ავტორების მიერ საინფორმაციო მასალაში გამოთქმული მოსახრება შესაძლოა არ გამოხატავდეს ფონდ „ღია საზოგადოება-საქართველოს“ პოზიციას. შესაბამისად, ფონდი არ არის პასუხისმგებელი მასალის შინაარსზე.

## გაზეთ P.S.-ის ჟურნალისტმა „სატყეო რეფორმის“ მედიაკონკურსის ორ ნომინაციაში გაიმარჯვა

10 ოქტომბერს, მეტყვეის დღესთან დაკავშირებით მედიაკონკურს „სატყეო რეფორმის“ გამარჯვებულ ჟურნალისტები, სატყეო დარგის ლიდერები და ახალგაზრდა გარემოსდაცველები დაჯილდოვდნენ.

ინიციატივა პროექტის - ტყის მდგრადი მართვა საქართველოში ფარგლებში, ავსტრიის თანამშრომლობა განვითარებისთვის (ADC), გერმანიის საერთაშორისო თანამშრომლობის (GIZ) და მსოფლიო რესურსების ინსტიტუტის (WRI) მხარდაჭერით განხორციელდა. პროექტის მხარდამჭერი გარემოსა და ბუნებრივი რესურსების დაცვის სამინისტრო იყო, რომელსაც კავკასიის გარემოსდაცვითი არასამთავრობო ორგანიზაციების ქსელის CENN ახორციელებდა. მედია კონკურსი

„სატყეო რეფორმა“ რამდენიმე ეტაპს მოიცავდა. მათ შორის იყო ხუთ დღიანი ტრენინგი და რამდენიმე მედა-ტური. რომლის მიზანი იყო ჟურნალისტებისთვის საჭირო ინფორმაციის თეორიული და პრაქტიკული მიწოდება.

კონკურსში ჩართულ ჟურნალისტებს ჯილდოები შემდეგ ნომინაციებში გადაეცათ: საუკეთესო სატელევიზიო რეპორტაჟი; საუკეთესო სტატია; საუკეთესო რადიო რეპორტაჟი; აქტიური სატელევიზიო გამუქება; აქტიური გამუქება ბეჭდურ მედიაში; აქტიური გამუქება ინტერნეტ-მედიაში; საზოგადოების რჩეული.

გაზეთ P.S.-ის ჟურნალისტმა, მარიკა ვაჭარაძემ ორ ნომინაციაში - საუკეთესო სტატია და აქტიური გამუქება ბეჭდურ მედიაში, პრიზი მიიღო.

კონკურსის მიზანია სატყეო დარგის პოპულარიზაცია და ჟურნალისტების კვალიფიკაციის ამაღლება სატყეო სფეროში ძირითადი გამოწვევებისა და განვითარების შესაძლებლობების შესახებ. პროექტში ჩართულმა ჟურნალისტებმა გადამზადების კურსები დარგის წამყვან ექსპერტებთან ერთად გაიარეს. ასევე, მოეწყო მედიატურები საქართველოს ტყეების მოწყვლად უბნებზე. შედეგად, პრობლემები აქტიურად შექმნა სატელევიზიო, ბეჭდურ, რადიო და ინტერნეტ მედიაში. დაჯილდოვდნენ სატყეო სფეროს წარმომადგენლები დარგში შეტანილი წვლილისთვის და ახალგაზრდა გარემოსდაცველები. საქართველოში მეტყვეის პროფესიული დღე 1999 წლიდან აღინიშნება.



### რეკლამა

## ლადო ჯურხაძე: მოვლივართ კონკრეტული იდეებით, რომელიც ჩვენს მუნიციპალიტეტს კიდევ უფრო გააძლიერებს

პარტია „ქართული ოცნება - დემოკრატიული საქართველო“ ხონის მერობის კანდიდატი ლადო ჯურხაძე სოფელი ივანდიდის, კუხისა და ახალშენის მოსახლეობას შეხვდა.



„ადგილობრივი თვითმმართველობის არჩევნებში „ქართული ოცნების“ გამარჯვება, თითოეული მოქალაქის გამარჯვებას, რაც თავისთავად, გულისხმობს ადგილობრივი ბიუჯეტის გაორმაგებას, თვითმმართველობის განხორციელებაში მოქალაქეთა ჩართულობას, განვითარებულ კომუნიკაციებსა და ინფრასტრუქტურას, უკეთეს ჯანდაცვასა და სოციალურ უზრუნველყოფას ნიშნავს. მოგეწოდებთ კიდევ ერთი წარმატებული ნაბიჯი გადავდგათ მომავლისკენ“, - განაცხადა ავტოქარხნის მასობრივობის კანდიდატმა მერაბ კვიციანიძემ, რომელიც სოფელი ივანდიდში გამართულ შეხვედრას ესწრებოდა. მერობისა და საკრებულოს

მასობრივობის კანდიდატობა მოვლივართ კონკრეტული იდეებით, რომელიც ჩვენს მუნიციპალიტეტს კიდევ უფრო მეტად წაადგება და გააძლიერებს. მინდა გჯეროდეთ ის, რომ თითოეული სიტყვა და დაპირება არის რეალური, კარგად გააზრებული და დაგეგმილი. გვიგულეთ თქვენს სამსახურში“, - მიმართა ამომრჩევლებს ლადო ჯურხაძემ.

„ქართული ოცნების“ გუნდის ძირითადი გამოწვევებია დასაქმება, სოციალური ფონის გაუმჯობესება და სოფლის მეურნეობის განვითარება

## გრიგოლ იოსელიანი: კიდევ ერთი მნიშვნელოვანი იდეა წყალტუბოსთვის მნიშვნელოვანი იდეა წყალტუბოსთვის მნიშვნელოვანი იდეა

პარტია „ქართული ოცნება - დემოკრატიული საქართველო“ წყალტუბოს მერობის კანდიდატი გრიგოლ იოსელიანი კომუნალური მომსახურების სფეროსა და წყალტუბოს მუნიციპალიტეტის გამგეობის თანამშრომლებს შეხვდა.



წყალტუბოს განვითარების გენერალური გეგმა და წყალტუბოს, როგორც მწვანე ქალაქის კონცეფცია ის საკითხებია, რომლებზეც მერობის კანდიდატმა შეხვედრაზე ყურადღება გაამახვილა.

„წყალტუბოს განვითარების გენერალური გეგმა არის დოკუმენტი, რომლის გარეშეც პროგრესზე, წინსვლაზე საუბარი შეუძლებელია. კიდევ ერთი მნიშვნელოვანი იდეა წყალტუბოსთვის მწვანე ქალაქის სტატუსის მინიჭებაა, რაც ნიშნავს ცენტრალური პარკის ფუნქციურ დატვირთვას, სპორტული ცხოვრების განვითარებას, ეკოლოგიურად სუფთა გარემოს ხელშეწყობას, ტუ-

რიზმის განვითარებასა და ინფრასტრუქტურის სრულად მოწესრიგებას“, - განაცხადა გრიგოლ იოსელიანმა.

როგორც მერობის კანდიდატმა აღნიშნა, მნიშვნელოვანია, წყალტუბოს განვითარების საქმეში თითოეულმა მოქალაქემ მიიღოს მონაწილეობა.

პრიციპებით, შევქმნათ, რეგიონში ყველაზე ძლიერი მუნიციპალიტეტი შევქმნათ და კურორტ წყალტუბოს საერთაშორისო ასპარეზზე კეთვნილი ადგილი დაუზრუნოთ“, - აღნიშნა მერობის კანდიდატმა.

შეხვედრას საკრებულოს მასობრივობის კანდიდატებთან ერთად, წყალტუბოს მუნიციპალიტეტის მაჟორიტარი დეპუტატი ცოტნე ზურაბიანი ესწრებოდა.

# გიორგი ჭიჭვარია - ქუთაისის მერად!

## ჩვენი მთავარი მიზანია, ქუთაისი გახდეს „მომავლის ქალაქი“, სადაც ყველა ქუთაისელი ადგილზე შეძლებს საკუთარი თავის რეალიზებას

— ბატონო გიორგი, თავდაპირველად მოკლედ გვითხით თქვენ მიერ განვიღო გზაზე, მნიშვნელოვანი ეპიზოდები თქვენი ბიოგრაფიიდან.

— ჩემი ბიოგრაფიის ყველაზე მნიშვნელოვანი და დასამახსოვრებელი მომენტები ჩემს ოჯახს უკავშირდება. სულ სხვა პოლიტიკასთან და სავსა არა სამსახურთან დაკავშირებული ეპიზოდები, რომელიც ასევე ძალიან მნიშვნელოვანი და საბასუსის-მგებლობა ჩემთვის. მათ შორის 2015 წელი, როცა „ქართული ოცნება-დემოკრატიული საქართველოს“ ქუთაისის ორგანიზაციის თავმჯდომარედ ამირჩიეს.

- რამ განაპირობა მერობის კანდიდატად თქვენი წარდგენა?

- დღეს ქალაქი ღვას ახალი გამოწვევის წინაშე და გუნდმა გადაწყვიტა, რომ ამ გამოწვევებს მე, ჩემს გუნდთან ერთად ვუპასუხო. ეს იყო მთავარი მიზეზი ჩემი მერობის კანდიდატად დასახელების.

- როგორ ფიქრობთ, რა თვისებები უნდა ჰქონდეს ქალაქის მერს?

- ქალაქის მერს, პირველ რიგში, უნდა უყვარდეს საკუთარი ქალაქი და მისი თანამოქალაქეების წინაშე პასუხისმგებლობას და ვალდებულებას გრძნობდეს. უნდა იყოს მუდმივად მისი ქალაქისთვის და, რაც მთავარია, ეს ყველაფერი შეეძლოს.

- მაინც რით არის საინტერესო და განსხვავებული თქვენი პროგრამა და რატომ უნდა ავირჩიოთ თქვენ ქუთაისელებმა ქალაქის მერად?

- ჩემს პროგრამაში დევს ქალაქის განვითარების გენერალური გეგმა, რომელიც ამ დრომდე არავის ჰქონია. გენერალური გეგმა გულისხმობს ქალაქში უაღვილო და უსახური შენობების არარსებობას. უნებართვოდ ხეების ჭრის აკრძალვას. მეტი რეკრეაციული ზონის გაშენებას და ქალაქის სიტუაციის თავიდან აცილებას. ჩემი მერად არჩევის შემთხვევაში, მთავარი მიზანი და ამოცანა იქნება, ქუთაისი გახდეს „მომავლის ქალაქი“ სადაც ყველა ქუთაისელი ადგილზე შეძლებს საკუთარი თავის რეალიზებას.

- რა მიგაჩნიათ ქუთაისის ყველაზე დიდ პრობლემად, რომელსაც მე-



გიორგი ჭიჭვარია

რობის შემთხვევაში აუცილებლად გადაჭრით?

- ქალაქში პრობლემები არსებობს და ამ პრობლემებს ჩვენ არ ვაფრთხილდებით და არ ვატყუებთ მოქალაქეებს, რომ ყველაფერი იდეალურადაა. ჩემი მერად არჩევის შემთხვევაში, პირველივე დღიდან დაიწყებ ზრუნვას ამ პრობლემების მოგვარებაზე. ჩემი მერობის პერიოდში ქუთაისს ექნება 24-საათიანი წყალმომარაგება და სრულიად ახალი წყალმომარა-

გების სისტემა. რომელიც ამ დრომდე არასდროს ჰქონია.

- რა შეცდომებს ხედავთ წინამორბედის საქმიანობიდან და რის გამოსწორებას აპირებთ?

- ჩემი წინამორბედის საქმიანობა ჩემი შესაფასებელი არ არის. ეს საზოგადოებამ უნდა შეაფასოს.

- „ინსტრუქციები“, რომელიც თქვენ ძალიან გაღიზიანებთ. რა არის თქვენთვის მთავარი?

- ინსტრუქციები არ მიყვარს.



წმირად მაძლევს ინსტრუქციებს, როგორც კანდიდატს. მაგრამ ვფიქრობ, ხალხი დაიღალა წინასაარჩევნოდ გათამაშებული პერსონებით. მიმანია, რომ მთავარი გულწრფელობა ხალხთან ურთიერთობაში და საზოგადოება ამას კარგად ხვდება.

- როგორი ქუთაისისა თქვენი იდეალი?

- „მომავლის ქუთაისი“, რომელიც კულტურულ-საგანმანათლებლო ფუნქციის დაიბრუნებს და რეგიონში განათლების კერა გახდება. ქუთაისი,

რომელიც იქნება პატარა ევროპული ტიპის კონკურენტუნარიანი ქალაქი.

- რეალურად როგორი ქალაქი გვექნება თქვენი მერობის შემთხვევაში 5 წლისთავზე?

- ქალაქი, რომელსაც ყველა ინფრასტრუქტურული პრობლემა გადაჭრილი ექნება და უმუშევრობის დონე მინიმუმამდე იქნება დაყვანილი.

- წარმატებებს გისურვებთ.

ეთუნა ჩუმაშვილი


### პაატა ნადირაძე შეხვედრაზე საზოგადოებრივი ტრანსპორტით მივიდა



ჭიათურის მერობის კანდიდატი პაატა ნადირაძე ამომრჩევლებთან შეხვედრაზე საზოგადოებრივი ტრანსპორტით მივიდა. მგზავრობისას კანდიდატს სოფლის მკვიდრებმა 2012 წლის შემდეგ განხორციელებული პროექტებისთვის მადლობა გადაუხადეს და ასევე, სთხოვეს მერად არჩევის შემდეგ სოფელში არსებული გაზიფიკაციის პრობლემა გადაჭრას. სოფელში უკვე განხორციელდა საავტომობილო გზის რეაბილიტაცია, გარემონტდა საბავშვო ბაღი და დამონტაჟდა სას-

მელი წყლის მილები. „ქართული ოცნება-დემოკრატიული საქართველოს“ ჭიათურის მერობის კანდიდატის პაატა ნადირაძის მხარდასაჭერად უცხოეთში მოღვაწე ბიზნესმენი სერგო იაკობიძე ჩამოვიდა და წინასაარჩევნო კამპანიაში აქტიურად ჩაერთო. მერობის კანდიდატმა პაატა ნადირაძემ ამომრჩევლებს მოუწოდა, რომ 21 ოქტომბერს მოქალაქეობრივი ვალი მოიხადონ და ხმა მისცენ ჭიათურის განვითარებას.

### კახაბერ მახათაძე: სოფლის მეურნეობის განვითარება ჩემი ერთ-ერთი მთავარი პრიორიტეტია



პარტია „ქართული ოცნება - დემოკრატიული საქართველოს“ ზესტაფონის მერობის კანდიდატი კახაბერ მახათაძე, დაბა შორაპნის ამომრჩევლებს შეხვდა და ის პრობლემები განიხილა, რომლებიც მოსახლეობას აწუხებს.

„ყურადღება დაეთმობა დაბაში ტურიზმის განვითარებას. სამომავლოდ, ისტორიულ ციხესიმაგრესთან მუზეუმის აშენება იგეგმება, სადაც ტურისტები ყვირილისა და ძირულის შესართავში არსებული, ანტიკური/შუა საუკუნეების ისტორიული ძეგლის შესახებ გარკვეული ინფორმაციის მიღებას შეძლებენ“, - განაცხადა კახაბერ მახათაძემ.

შეხვედრაზე აღინიშნა, რომ მოსახლეობის მთავარი პრობლემა ინფრასტრუქტურული საკითხებია. ადგილობრივების თქმით, ფარნავაზის, ვაჩნაძისა და ჭიათურის ქუჩები რეაბილიტაციის საჭიროებს.

„მომდევნო წლებში, შორაპანში დაგეგმილია ან



უკვე განხორციელების ფაზაშია მრავალი ინფრასტრუქტურული პროექტი. მათ შორის, შიდა საუბნო გზების, სკოლებისა და ბაღების რეაბილიტაცია, საბავშვო სკვერებისა და სპორტული მოედნების აშენება“, - აღნიშნა ზესტაფონის მერობის კანდიდატმა. კახაბერ მახათაძე საარჩევნო კამპანიის ფარგლებში, ასევე სოფელ დილიკაურის ამომრჩევლებს შეხვდა და

საარჩევნო პროგრამა გააცნო. „ზესტაფონში სოფლის მეურნეობის განსავითარებლად, სხვადასხვა მხარდაჭერი პროგრამები გაგრძელდება. სოფლის მეურნეობის განვითარება, სოფლის მეურნეობის პროდუქციის გაზრდა და სოფლად აღამიანების დასაქმება, ჩემი ერთ-ერთი მთავარი პრიორიტეტია“, - განაცხადა კახაბერ მახათაძემ.

Ⓔ

# ქართული ღვინის მე-4 ეროვნული კონკურსის გამარჯვებულები გამოავლინეს

8 ოქტომბერს, საქართველოს სომე-ლითა ასოციაციამ "ქართული ღვინის ეროვნული კონკურსი 2017"-ის გამარჯვებულები გამოავლინა. ღონისძიება ჩატარდა საქართველოს სოფლის მეურნეობის სამინისტროს სსიპ ღვინის ეროვნული სააგენტოს, თბილისის მერიის და ტურიზმის ეროვნული ადმინისტრაციის მხარდაჭერით, ქართული ღვინის კვირეულის ფარგლებში.

ქართული ღვინის ეროვნული კონკურსი უკვე მეოთხედ ტარდება და მისი მიზანია, გამოავლინოს საქართველოში წარმოებულ ღვინოებს შორის საუკეთესოები. კონკურსის საზეიმო დაჯილდოებაზე ტრადიციულად, დასახელება საქართველოს სომელითა ასოციაციის მიერ დაწესებული "ქართული ღვინის ორდენი"-ს სამი კავალერი: 1. სტივენ სპურიე, საქართველოს ღვინის სამშობლოდ აღიარებაში შეტანილი განსაკუთრებული წვლილისათვის;

2. ახალი ღვინის ფესტივალი (იავო ბითარიშვილი და მალხაზ ხარბელია) - ღვინის მცირე მეწარმეობის განვითარებასა და პოპულარიზაციაში შეტანილი განსაკუთრებული წვლილისათვის.

3. საფრანგეთის ქალაქ ბორდოში, ღვინის მსოფლიო ცივილიზაციის ცენტრში (La Cité du Vin) ქართული ღვინის ისტორიისა და კულტურის წარმოჩენისა და გამოფენის - „საქართველო - მევენახეობის აკადემია“ Georgia, cradle of Viticulture ორგანიზებისთვის ქართული ღვინის ორდენები გადაეცათ: საქართველოს სოფლის მეურნეობის სამინისტროს სსიპ ღვინის ეროვნულ სააგენტოს, საქართველოს ეროვნულ მუზეუმს და საქართველოს ინტელექტუალური საკუთრების ეროვნულ ცენტრს „საქპატენტს“.

კონკურსის პროფესიული ჟიურის წევრები იყვნენ ენოლოგები და სომელიები. წელს პროფესიულ ჟიურის ორი თანათავმჯდომარე ჰყავდა: **შალვა ხეცურიანი** (საქართველოს სომელითა ასოციაციის პრეზიდენტი, „მარანი ხეცურიანის“ დამფუძნებელი) და **სტივენ სპურიე** - მსოფლიოში ცნობილი ბრიტანელი ღვინის ექსპერტი, ჟურნალ „დეკანტერი“-ს (Decanter) კონსულტანტ-რედაქტორი, საფრანგეთში ღვინის აკადემიის (L'Academie du Vin) და კრისტის

(Christle's) ღვინის კურსების დამფუძნებელი, ღვინის წიგნების ავტორი.

აღსანიშნავია, რომ კონკურსში ტრადიციულად მონაწილეობდა ღვინისა და ალკოჰოლიანი სასმელების მწარმოებელთა უმრავლესობა, მათ შორის - მცირე მარნებიც.

დაჯილდოების ცერემონიაზე წარმოდგენილი იყო 19 კატეგორია, ყოველ მათგანში ასევე შედგა ფინალში გასული ღვინოების რეიტინგი. გამარჯვებულებს გადაეცათ სპეციალური დიპლომები და პრიზები, რომელიც საგანგებოდ კონკურსისთვის შეიქმნა. ღონისძიებაზე სერტიფიკატები გადაეცათ თბილისის ღვინის სკოლის (მათ შორის, WSET-ის) კურსდამთარებულებს. ცერემონიაზე საქართველოს სომელითა ასოციაციამ სომელიეს სტატუსი მიანიჭა სოფო კობაიძეს და ნათია ლომიძეს, ხოლო ასისტენტ სომელიეს სტატუსი - მარიამ ლეკვიშვილსა და ირაკლი ნონიაშვილს.

**პროექტის პარტნიორები არიან: საქართველოს სოფლის მეურნეობის სამინისტრო, ღვინის ეროვნული სააგენტო, ქ.თბილისის მერია, ტურიზმის ეროვნული ადმინისტრაცია, სასტუმრო Rooms Tbilisi, სასტუმრო lotaTbilisi და Fabrika.**

### გამარჯვებული ღვინოები

- 1. საუკეთესო წინანდალი**  
კახური ღვინის მარანი - წინანდალი 2010  
კონჭო და კომპანია - წინანდალი 2013
- 2. საუკეთესო მწვანე**  
კახური ღვინის მარანი - მანავის მწვანე 2014  
შუმი - მწვანე 2013
- 3. საუკეთესო რქაწითელი**  
მათობებლა - რქაწითელი 2016
- 4. საუკეთესო თეთრი ღვინო**  
შატო მუხრანი - საიდუმლო კოლექცია 2015
- 5. საუკეთესო ვარდისფერი ღვინო**  
თელიანი ველი - საფერავი ვარდისფერი ღვინო 2015



### 6. საუკეთესო წითელი მშრალი ღვინო

შატო მუხრანი - საიდუმლო კოლექცია 2014  
კონჭო და კომპანია - ალექსანდროული 2014

### 7. საუკეთესო წითელი ნახევრად-მშრალი და ნახევრადტკბილი ღვინო

იკანო - საფერავი/მერლო ნახევრადტკბილი ღვინო 2015

### 8. საუკეთესო საფერავი ტიფლისკი ვინი პოგრებ

ტიფლისკი ვინი პოგრებ - საფერავი 2016  
თელიანი ველი - საფერავი 2016

### 9. საუკეთესო მუკუზანი

კონჭო და კომპანია - მუკუზანი 2013

### 10. საუკეთესო პრემიალური საფერავი

ქართული ღვინის სახლი - საფერავი 2015

### 11. საუკეთესო ხვანჭკარა

თბილღვინო - ხვანჭკარა 2016



### 12. საუკეთესო ქინძმარაული შილდა

შილდა - ქინძმარაული 2015

### 13. საუკეთესო უსახელოური შილდა

შილდა - უსახელოური 2015

### 14. საუკეთესო ქვევრის ბუნებრივი ქარვისფერი ღვინო

თორნიკე მეტრეველი - რქაწითელი ქვევრის 2015  
შატო სვანიძე - რქაწითელი ქვევრის 2013  
დათო ჩიხლაძე - კახური მწვანე ქვევრის 2015

### 15. საუკეთესო ქვევრის ბუნებრივი წითელი ღვინო

პაპუნას მარანი - საფერავი 2016  
პეტრიანთ მარანი - საფერავი 2016  
შაქარაშვილი - საფერავი 2016  
ლორემი - ოჯალეში 2016  
თევანი - საფერავი 2016

### 16. საუკეთესო ქვევრის ქარვისფერი ღვინო

დანიელი - ქისი 2016  
ვინეპონტო - ხიხვი 2016  
გავაზი ქვევრის თეთრი - 2013  
ვინეპონტო - ქისი 2016

### 17. საუკეთესო ქვევრის წითელი ღვინო

ქვევრის ღვინის მარანი - საფერავი 2016  
კონჭო და კომპანია - საფერავი 2013

ვინეგრია - საფერავი 2014  
შუხმან ვაინს ჯორჯია - საფერავი 2015  
გავაზი ქვევრის წითელი- 2010  
ვიტა ვინეა საფერავი 2015

**18. საუკეთესო ჭაჭა**  
თელიანი ველი - ჭაჭა ვერცხლი

**19. საუკეთესო ჭაჭა, დავარგებული**  
კახური ღვინის მარანი - ჭაჭა დავარგებული

**დიპლომატების ჟიურის რჩეული ღვინოები:**

**1. საუკეთესო წინანდალი**  
გავაზი - წინანდალი 2014

**2. საუკეთესო ვარდისფერი ღვინო**  
თელიანი ველი - საფერავი როზე ნახევრად მშრალი 2015

**3. საუკეთესო პრემიალური საფერავი**  
შილდა - ნაფარეული 2015

**4. საუკეთესო ქვევრის ქარვისფერი ღვინო**  
ჩელთი - რქაწითელი/მწვანე 2016

**5. საუკეთესო ქვევრის წითელი ღვინო**  
ქვევრის ღვინის მარანი - საფერავი 2016

